

**VIDEOKKUT APERSUINEQ**

# Meeraq ulluni 165-ni videokkut apersorneqarnissaminut utaqqisariaqarsimasoq

Meeqqat, kinguaassiutigut kanngunarsagaasimasut, politiinit videokkut apersorneqarnissaminut ulluni 165-ini utaqqisinnaasarput. Tamanna meeqqap Nuummiup misigaa. Politiit iluminni maleruaqqusaanni allassimavoq ullut arfineq marluk qaangiunnerini videokkut apersuineq ingerlanneqarsimassasoq.



Anders Brohus/POLFOTO/Arkiv MODELBILLEDE

JØRGEN SCHULTZ-NIELSEN | Sunday, 15. October 2017 - 07:53

Ukioq manna kanngutsaatsuliorfigineqarsimanermut atatillugu meeqqat 90-it politiinit videokkut apersorneqarsimapput. Kalaallit Nunaanni Politiit suliat amerlanerujussuat pissutigalugit meeqqanik kinguaassiutigut kanngutsaatsuliorsimanerit nalunaarutigineqarneraniit ullut arfineq-marluk qaangiutsinnagit videokkut apersorneqarnissaannut piffissaliussaq eqquutsissinnaangilaat.

## Ullut 165-it qaangiunnerini apersuineq

Nuummi suliami niviarsiaq qulinik ukiullip videokkut apersorneqarnissaanut ullut 165-it ingerlasimasut, Politiken sapaammi allappoq. Anaanaasoq naapertorlugu angajoqqaat panitsik tarnip pissusaanik ilisimasalimmut oqaloqateqartikkusussimangaluarpaat, tamannalu politiinit innersuussutigineqarsimangilaq, taakku pisup eqqartorneqarnissaa kissaatigisimangilaat, qanormi

pisoqarsimaneramik allatut tassunga isummertitsisinnaammat.

Unnerluussisussaatitaasut pisortaat Morten Nielsen, Kalaallit Nunaanni Politiininngaanneersoq uppernarsaavoq, meeraq kanngutsaatsuliormik oqaloqatigineqarnissaa politiinit kissaatigineqanngitsoq.

- Kisianni meeraq pineqartillugu pingaarnerpaaajuassaaq, unnerluussisussaatitaasut pisortaat Politikenimut oqarpoq.

### **Kingunerluutit ilungersunartut**

Utaqqineq sivitsorpallaarpat meeqqamut kingunerlutsitserujussuarsinnaavoq, anniaammi sivitsorneqartarpoq, toqqissisimaneq sunnerneqartarluni meerarlu ineriartornerlussinnaalluni, Red Barnetimi siulittaasoq, Jonna Ketwa Politikenimut oqarpoq.

Unnerluussisussaatitaasut pisortaat Morten Nielsenip naqissuserpaa, utaqqinerup sivikillineqarnissaa sulissutigineqartoq, ingerlaannarmi nassuiaaneq piffissap siviluup ingerlareernerani nassuiaateqarnermiit pitsaanerusarmat.

Kalaallit Nunaanni videokkut apersuinerit amerlassusaat Danmarkimiit amerlanerujussuupput. Ukioq kingulleq Danmarkimi politiit 822-eriarlutik videokkut apersuisimapput. Ukioq mannalum maannamut Kalaallit Nunaanni 90-eriarluni videokkut apersuisoqarsimavoq.